

d Trallian.
lib. 1. c. 6. &
ix.

attracti per amplum palati foramen, ori & naribus commune, diffluent. Arida vero probe trita per *d* arundinem inspirantur, sursum inclinando attrahuntur, dein æger deorsum pronuere debet, quo videlicet coactus humor destillet, & etiam id, quod in ore congregatur, exspuere debet. Cauendum autem est ab errhinis, dum oculi afficiuntur, propter viciniam narium & oculorum, & tum apophlegmatismis vtendum.

DE MEDICAMENTIS SEU REMEDIIS EXTERNIS; & primum

De Oleis,

C A P. XLIV.

Absolute internorum medicamentorum historia, externorum compositionem subiiciemus. Ordinem autem ab oleis, tanquam simplicissimis, cum ad linimentorum, vnguentorum, ceratorum, emplastrorum & similium compositionem requirantur. Sunt autem oleorum duo genera prima; Simplex & compositum. Simplicia olea dicuntur à Galeno omnia ea, quæ è solis fructuum seminumque nucleis, quæ pinguem in nucleo vel semine, ceu medullam habent, exprimuntur: sic dicta, quod illis educendis vel exprimendis aliud misceri non consueuerit, præterquam quibusdam pauxillum aquæ.

& simplic.

Est vñ simplex duorum quoq; generum, pro
 ratio.